

A PƆƆL GĀN WŪN SĒB KŪ A NĀANMĪN PUORBO NA BE A EFESUS

I Maa Pɔɔl a Nāanmīn na sɔɔ ka n ɪ a Yesu Kırısıto nıtōnāa le sɛere kɔɔ a yın na ɪ a Nāanmīn nıbe be a Efesus na yı sɔɔ de a Yesu Kırısıto.

II Wāefɔ nı nyā'maar na yı a sı Sāa Nāanmīn nı a sı Soro Yesu Kırısıto sē a be a yı sē.

III Pɛefɔ wɔ ta a Nāanmīn, 'lɔ le ɪ a sı Soro Yesu Kırısıto Sāa. Wɔn de a Sıe yelsōn a jaa na be a saaju na wɔ sōn sı, sın be a Kırısıto 'yōɔ jūu.

IV Bojūu wɔ dōɔ ir sı 'yōɔ a Kırısıto pɔ, tı na wɔ wa maal a wer ka sı na ɪ cheche na sı kō tara chefɔ a wɔ niem ε, a wɔ nōfɔ jūu.

V Nāanmīn den nie ir sı ka sı ɪ a wɔ bibiir tu a Yesu Kırısıto 'yōɔ. A ɪ naa a wɔ bofɔ naa pel a wɔ pɔɔ.

VI Ala le so a sı pɛere a Nāanmīn maal vıla kpɛε nyā wɔn maal sı na wɔ kɔ sı a wɔ Binōnāa.

VII A wɔ 'yōɔ le sı nye faafɔ tu a wɔ jāi jūu. Sı nyen vē kɔfɔ, an ɪ a Nāanmīn wāefɔ berma naa.

VIII Wɔ maal sın vıla tı pōn bar, na wɔ kɔ sı par bōɔfɔ nı yē a jaa.

IX An ɪ wɔ vɛn ka sı bōɔ a yelsɔɔlaa na be a wɔ tıer pɔ, a ala wɔn bɔɔɔ ɪka wɔ maal a Kırısıto 'yōɔ.

X Ka a ɪ sɪɾɛ ɪka, wɔn kaal a bonɪ a jaa na be a saaju nɪ ala na be ka a t̃ɛ l̃ɔ taa ka a nɪkp̃ɛɛ b̃ɔ'yen kaara ba, 'lɔ lɛ ɪ a Kɪrɪsɪto.

XI A wɔ 'ỹɔɔ lɛ Ñaaŋmɪn ir sɪ, wɔ k̃aan ir sɪ a lɛ na ɪ a wɔ pɔtɪɾ na wɔn maal yele a jaa ka a ɪ a lɛ wɔn b̃ɔɾɔ.

XII A ɪ naa lɛ, ka a sɪn na ɪ a nɪd̃ɔɔ na tara a Yesu a sɪ tɪɾtɔ jie ka ban pɛɛɾɛ a Ñaaŋmɪn.

XIII A yɪn mɪ d̃ɔɔ pɔɔ a Kɪrɪsɪto pɔ a s̃ɔɔ 'lɔ yɪn w̃ɔ a yelm̃ɛ 'yer ñɔɔ, a 'yer nỹā na ɪ a yɪ faafɔ 'yer. Yɪn wa sɔɔ de wɔ, Ñaaŋmɪn den a wɔ Sɪɛ 'lɔ wɔn d̃ɔɔ tɪɾ a nɛɛ 'ỹɔɔn yɪ j̃ānɛ.

XIV A Sɪɛ nỹā lɛ ɪ a telma ɪka sɪn nyɛ naa ala Ñaaŋmɪn na tɪɾ a wɔ nɛɛ na wɔ faa a bala na ɪ a wɔ nɪbɛ a sɪ pɛɛɾɛ wɔ.

XV A nỹā j̃ɪu lɛ so, maa na w̃ɔ a yɪ yele a lɛ yɪn sɔɔ de a sɪ Soro Yesu nɪ a lɛ yɪn ñɔ a Ñaaŋmɪn nɪbɛ.

XVI N ma d̃āna na Ñaaŋmɪn a yɪ j̃ɪu, naa sɔɔɾɔ Ñaaŋmɪn kɔɾɔ yɪ.

XVII Naa chɛnɛ sɔɔɾɔ a tɪɾ S̃āa, 'lɔ lɛ ɪ a Ñaaŋmɪn a Yesu Kɪrɪsɪto na turo a wɔ nɛɛ ɪka wɔ kɔ yɪ a Sɪɛ ỹɛ, na wɔ wiil yɪ a wɔ m̃ɛ yelwiilɪ, ka yɪ b̃ɔɔ wɔ jaa chɛchɛ.

XVIII N sɔɔɾɔ na Ñaaŋmɪn ɪka wɔ chɪl̃ɔ a yɪ tɪɾ, ka yɪ b̃ɔɔ a tɪɾtɔ 'lɔ j̃ɪu wɔn b̃ɔɔl yɪ, ka yɪ k̃ɔ tara baal ɛ, tɪ na yɪn tɪ de a wɔ 'ỹɔɔfɔ ñābomo wɔn tɪɾ nɛɛ kɔ a wɔ nɪbɛ.

XIX A wɔ kp̃ɛɔ na gar a jaa kɔ a sɪn na sɔɔ de wɔ, a kp̃ɛɔ nỹāna lɛ wɔ t̃ɔn a kp̃ɛɔ t̃ɔm̃ɔ.

XX 'Lɔ lɛ wɔ de s̃ān a Kɪrɪsɪto a k̃ɪu pɔ, na wɔ ṽɛ ka wɔ j̃ānɛ a wɔ ñɪs̃ɔɔ jie be a saaju.

XXI Wɔ gar a tɔɔfo a jaa, nɪ a kpãen dēme, nɪ a sigādaar ba jaa, nɪ a nɪbere ba jaa, a ba ɪ a bala na be be a dina tɛɛ ɛ, tɪ a bala na wa be be daar kɔɔ.

XXII Nāanmɪn den a bomo a jaa bin a wɔ gbɛɛ pīlem, na wɔ ir wɔ ka wɔ ɪ a pupuorbiir gbulsɪ ba jaa ju,

XXIII na ɪ a wɔ āgān, ka ba sɛɛn wɔ jaa, 'lɔ lɛ sɛɛ ba jaa, a jiir a jaa.

II

I Yɪn 'lɔ, yɪ dɔɔ kpi be a yɪ maal dɛbe nɪ a yɪ yeldɛbe pɔ,

II ala pɔ lɛ yɪ dɔɔ be, na yɪ turo a wer nyā sɔu nɪ a 'lɔ na dɪ a sɛsɛbe nāa Satan. A sɪɛ nyā lɛ tɔnɔ a bawɔnsɪ pɔ.

III Sɪ jaa mɪ dɔɔ be a lɛ a ba kaar maala a lɛ a āgān na bɔɔɔ, na sɪ turo a sɪ tɪɛr nɪ a āgān vɔlaa. Ka a Nāanmɪn suur mɪ dire nɪ sɪ a ba kaar.

IV Tɪche a Nāanmɪn nɪbaal na waa jūu, ka wɔ nɔ sɪ yɔɔ jaa.

V Wɔ maal sɪn ka sɪ 'mataa ir a Kɪrɪsɪto a kūu pɔ an ɪ sɪ dɔɔ kpi a yeldɛbe pɔ, a wɔ wāɛfo lɛ wɔ faan sɪ.

VI Nāanmɪn 'mantaa sān sɪ nɪ a Kɪrɪsɪto ka sɪ 'mataa jānɛ nɪ wɔ be a saaju.

VII A ɪ naa nɪtɔ ɪka a ber ala na waara ka wɔ na wiil sɪ a wɔ wāɛfo na ber ma nɪ a wɔ maal vɪla a Yesu Kɪrɪsɪto 'yɔɔ.

VIII Bojūu a wɔ wāɛfo lɛ so yɪn nyɛ faafɔ tu a yɪ sɔɔfo pɔ, a ba yɪ a yɪ mǎɛ sɛ ɛ, Nāanmɪn kɔfo lɛ.

IX A ba ɪ yɪn tɔmɔ kɔɔ lɛ ka āsɔɔ na che nyāa ɛ.

X Si ɪ naa Nāaŋmɪn nūu bõmaalsɪ won me a Kırısto 'yõõ, ka sɪn tõnõ tõsõn ala won de nie chõõr bar ka sɪ tõnõ.

XI A le jūu, yɪ tɪer kaa a kõro a yɪn na ba ɪ a Juu nɪbe ε, ka a Juu nɪbe bõõlo yɪ a, yõrwõõr dēme, tɪ bõõlo a ba mǎe a yõrŋmaar dēme, na ɪ a āgān nyā tee yele.

XII Yɪ tɪer kaa a sõõ 'lõnõ ɪka yaa bõõ a Kırısto ε, ka yɪn yaa mɪ põõ a Isɪral nɪbe põ ε, na yaa põõ a netɪrsɪ ala a Nāaŋmɪn na tɪr a wõ neε kõ a Juu nɪbe ε. Yaa tara tɪertõ jie ε, na yaa le bõõ Nāaŋmɪn ε.

XIII Yɪn bala na dõõ jǎa tɪche põpǎanyā, yɪ wa gbõr a Yesu Kırısto na yɪ be a wõ 'yõõ a wõ jǎu jūu.

XIV Bojūu, a Yesu mǎe le ɪ a sɪ nyā'maar, na wõ maal a nɪbõrsɪ ayi ka ba ɪ bõ'yen, na wõ ŋmer a dachin 'lo na dõõ var a sɪ ɪ a dõdēme.

XV A Juu nɪbe nebināa tara na chire yõõ, tɪche Kırısto kūu sõõn a jaa. A wõ bõfõ le ɪka wõ vē ka a Juu nɪbe nɪ a bala na ba ɪ a Juu nɪbe ɪ nɪpaalaa bõ'yen, le le wõ maal a nyā'maar.

XVI Wõ 'maal Nāaŋmɪn kõ ba ka ba ɪ bõ'yen. A kūu won kpi a daa ju le wõ de kon a ba 'laar taa.

XVII Wõ wa mõõl naa a nyā'maar 'yer kõ yɪn bala na jǎa nɪ a bala na gbõr.

XVIII Bojūu a tu naa a wõ 'yõõ ka sɪ tara sõr na ta a Sǎa sē nɪ a Sɪε bõ'yen 'lõnõ.

XIX A le jūu, yaa le chene ɪ sǎanba nɪ nɪyõõrsɪ go ε, tɪche yɪn nɪ a Nāaŋmɪn nɪbe lõõn tēe na yɪ ɪ a wõ yir dēme.

XX Ba mɪ men dõõl a dachin par kparaa na ɪ a nɪtõnsɪ nɪ a 'ye'yerbe, ka a Yesu ɪ a sǎlsõõ weε.

XXI A wɔ 'yɔ̃ɔ lɛ a yir wɔ jaa choo taa na wɔ ɪ a Nāan̄mɪn puorfɔ yir cheche 'lɔ a sɪ Soro 'yɔ̃ɔ.

XXII Bojũu yɪ jaa ɪ naa a Kɪrɪsɪto tɔɔr, ka wɔ mɪ mɛ yɪ 'matāan a yir nyā pɔ, ka Nāan̄mɪn Sɪɛ kɪɪɛɛ.

III

I Bon nɪ so ka n sɔɔrɔ Nāan̄mɪn kɔrɔ yɪ lɛ ɪka, n ben pɔɔfɔ die pɔ bojũu ɪn mɔɔl a Yesu yele kɔ a yɪn na ba ɪ Juu nɪɛ ɛ.

II Sɪɛ jaa lɛ yɪ wɔ̃ a Nāan̄mɪn wāɛfɔ won kɔ ma a tɔ̃mɔ̃ nyāna a yɪ jũu.

III A yelsɔɔlaa nyā lɛ wɔ wiil ma ka n bɔ̃ɔ naa de nie seb a ŋmaa kɔ yɪ.

IV Yɪn wa kar a ala, yɪn pāa bɔ̃ɔn naa a lɛ ɪn bɔ̃ɔ a Kɪrɪsɪto yelsɔɔlaa ala nɪɛ na ba bɔ̃ɔ ɛ.

V Nāan̄mɪn ba dɔ̃ɔ vɛ̃ ka a kōr dēme bɔ̃ɔ a anyāna ɛ, tɪche pōpāanyā wɔ wiil kɔ a wɔ nɪtōnsɪ chechesɪ nɪ a wɔ 'yɛ'yɛrɛɛ chechesɪ tu a wɔ Sɪɛ pɔ.

VI A yelsɔɔlaa nɪ nyā ɪka a tu naa a 'yɛr nɔ̃ɔ nyā pɔ, ka a yɪn na ba ɪ a Juu nɪɛ ɛ, nɪ a Isɪrɪl nɪɛ na lɔ̃ɔn ŋmabõ'yen, na ba 'mataa a āgān bõ'yen pɔ, ka ban 'mataa pō a nɛɛ 'lɔ a Nāan̄mɪn na tɪr a Yesu Kɪrɪsɪto 'yɔ̃ɔ.

VII N lɛɛ a 'yɛr nɔ̃ɔ nyāna tɔ̃tɔ̃nɔ̃ tu a kɔfɔ nyā a Nāan̄mɪn wāɛfɔ na wɔ kɔ ma tu a wɔ tōkpāɛn pɔ.

VIII An ɪ maa lɛ ɪ a Nāan̄mɪn nɪɛ ba jaa bɪr baaraa tɪche ka a wāɛfɔ nyā kɔ ma sɔr ɪka n mɔɔl a Kɪrɪsɪto 'yɛr nɔ̃ɔ kɔ a bala na ba ɪ a Juu nɪɛ ɛ, nɪɛ na kũ tɔ̃ɔ bɔ̃ɔ ɛ,

IX ka n vɛ ka a yelsɔɔlaa nyã chaar kɔ nɪre jaa an ɪ a dɔɔ sɔɔl a kɔr jaa a Nãanɲmɪn sɛ na maal a bonɪ a jaa.

X A wɔ bɔfɔ lɛ ɪka a pɔpãanyã, wɔ tu a pupuorbiir pɔ wiil a wɔ yɛ ka a tɔɔfɔ dɛme, nɪ a kpãen dɛme na be a saaju bɔɔn.

XI A anyãna lɛ wɔ tɪer a kɔr jaa na wɔ wa de a Yesu Kɪrɪsto a sɪ Soro na wɔ maal a wɛr.

XII Tu a wɔ 'yɔɔ sɪn sɔɔ de wɔ jũu, sɔr gãn kɔ sɪ a sɪn 'la chen a Nãanɲmɪn sɛ.

XIII A lɛ jũu n sɔɔrɔ yɪ naa, yɪ ta vɛ ka yɪ ãgãn sal ɪn dire dɔɔye a yɪ jũu ɛ, a ɪ naa a yɪ tɪer ye le lɛ.

XIV A anyãna jũu lɛ n ma de gbur dumo a Sãa niem.

XV 'Lɔ lɛ a balsɪ ba jaa Sãa, a bala na be a saaju nɪ a ba nyã na be ka a wɛr pɔ.

XVI N sɔɔrɔ wɔ naa ɪka a yɪ a wɔ tɪer pɔ, ka wɔ de a wɔ Sɪe kpɛɔ na wɔ 'yɔɔn yɪ ãkpãen, a yɪ kpɛmɛ a ãgãn pɔɔm,

XVII ka a Kɪrɪsto kpɪere a yɪ nyãa pɔ, yɪn sɔɔ de wɔ jũu. A n sɔɔrfɔ lɛ ɪka, yɪ ba nyɪbe ara jaa chãchã a nɔfɔ pɔ,

XVIII a yɪn nɪ a Nãanɲmɪn nɪbe na 'mataa nyɛ a lɛ a Kɪrɪsto nɔfɔ na yalɔ, nɪ a wɔ wɔo, nɪ a dofɔ, nɪ a lɛ won suu a pɪlem,

XIX na yɪ bɔɔ a nɔfɔ na gar a bɔɔfɔsɪ a jaa, a yɪ pãa be a lɛ a Nãanɲmɪn na be.

XX Pɔpãanyã, a 'lɔ na ma tɔɔ maal ye le a jaa gar a lɛ sɪn sɔɔr wɔ, bu a lɛ sɪn tɪer nɪtãa lɛ a wɔ kpɛɔ 'lɔ na tɔnɔ a sɪ pɔ,

XXI 'lɔ lɛ so a tɪer a pupuorbiir pɔ, nɪ a Yesu Kɪrɪsto 'yɔɔ, bɪbir jaa. A ɪ a lɛ.

IV

I Ala le so a maa ban pɔɔ a die pɔ a si Soro jũu kpãkpãana yi ɩka, yi vɛ ka a yi kpefo viɛɛ nyetãan le a Nãanmɩn na bɔɔl yi.

II Yi siir a yi m̃aɛ na yi bal yi m̃aɛ, na yi tara kãnyir, na yi diere taa ni nõfo.

III Yi m̃o na yi vɛ ka a Siɛ bõ'yen ɩfo 'lo pɔ, a yi tara taa ni nyã'maar.

IV Bojũu ãgãn bõ'yen le be be, ni a Siɛ bõ'yen, nitãa le a Nãanmɩn na bɔɔl yi, ka yi tara tierto jie bõ'yen.

V Soro bõ'yen le be be, sofo bõ'yen ni Nãanmɩn kɔɔ sofo bõ'yen.

VI Nãanmɩn bõ'yen tɛɛ le, na wɔ ɩ a si jaa Sãa, na wɔ kaara nɩɛ jaa, na wɔ t̃õñõ a ba jaa jie, na wɔ be a ba jaa pɔ.

VII Tɩche a si ãsoɔ jaa nyen a wãefo kufɔ d̃ɛd̃ɛme nitãa le a Kɩrisito na p̃o.

VIII A anyãna le so an seb a Nãanmɩn gãn pɔ naa 'yer, "A le won d̃õɔ do, a wɔ sãma d̃ɛme won nyɔɔr turo wɔ naa, ka wɔ de bomo kɔ nibe." *(Yiel Gãn 68:18)*

IX A dofɔ par ni bo? Wɔ mi d̃õɔ de nie suu a t̃ɛɛ pɔ.

X A 'lo na suu, 'lo ni wɔ ju le do gar a saaju wɔ jaa, na wɔ sɛɛ a bonsɩ a jaa.

XI 'Lo le p̃o a nibe a t̃õm̃õ, ka bamɩne ɩ a nit̃õnsɩ, ka bamɩne ɩ a 'ye'yɛrbe, ka a bamɩne ɩ a 'yer m̃oolbo, ka bamɩne mi kaara a nibe na ba wile ba.

XII Wɔ maal a nit̃õ ɩka wɔ choɔr a Nãanmɩn nibe gun a t̃õm̃õ, ka a Kɩrisito ãgãn na t̃õɔ mɛ.

XIII Nĩtõ lɛ na vɛ̃ ka sɪ jaa na ɪ bõ'yen a soofɔ pɔ, na sɪ bõɔ a Nãanmɪn Bie, na sɪ baa tɪ ta a lɛ a Kɪrɪstɔ na be.

XIV Sɪ kõ lɛ pãa chene ɪ nɪtãa bibiir vavire yuɔɔ kõsebe kaar ε. Na sɪ ma dãdaal chen a puor nɪ a niem wiilɔ jaa bɔɔ nɪbe na de a ba yɛ̃ na ba bele nɪ ε.

XV Tɪche sɪn 'yere na yelmãe nɪ nõfɔ na sɪn nõɔn a yele a jaa pɔ. 'Lɔ lɛ ɪ a ju na ɪ a Kɪrɪstɔ.

XVI A wɔ 'yõɔ lɛ a ãgãn wɔ jaa choofɔ jiiir choo taa, naa tõɔ nõɔnõ a nõfɔ pɔ, ka ãsɔɔ jaa tõnõ a wɔ tõmõ.

XVII Lɛ lɛ n 'yere kɔɔ yɪ naa de a sɪ Soro yuor kpãkpãana ɪka, yɪ ta lɛ chene maala fɪka a bala na ba bõɔ a Nãanmɪn na maala turo nɪ a ba tɪer bur bur ε.

XVIII A ba tɪer lɪi naa ka baa puɔ a Nãanmɪn nyevɔɔ pɔ ε, bojũu a ba ba bõɔfɔ yin a ba nyãkpãen ban tara.

XIX Ba ɪ naa ba bãma dẽme, na ba de a ba mãe kɔ pepe yelee, na ba pãa ire a ala a jaa na ba viel ε, tɪ chene bɔɔɔ yaa.

XX Yɪn 'lɔ, a ba ɪ a sɔɔ nyã lɛ yɪ de bõɔn a Kɪrɪstɔ ε.

XXI Sɪre jaa lɛ ɪka yɪn wõ a wɔ 'yer, ba wiil yɪ naa a yelmãe na be a Yesu 'yõɔ.

XXII Ba wiil yɪ naa a lɛ yɪn dõɔ maala ɪka, yɪ yaa a kõr maalfɔ 'lɔ bar na bel yɪ nɪ a wɔ volaa,

XXIII tɪ na yɪ ɪ nɪpaalaa a yɪ befɔ nɪ a yɪ tɪer pɔ.

XXIV Yɪ de a be paalaa 'lɔ a Nãanmɪn na maal a wɔ kaar na yɪ su, a ɪ naa yelmãe torfɔ nɪ cheche.

XXV A lɛ jũu, ãsɔɔ jaa wɔ bar jir ŋmaafɔ tɪ 'yere yelmãe kɔɔ a wɔ taaba, bojũu sɪ jaa ben a ãgãn

bõ'yen pɔ,

^{XXVI} “Fõõ wa nye suur taa maal dɛɛr ɛ.” (*Yiel Gãn 4:4*) Ta vɛ ka a mõtõɔ mɔr pɔɔ fɔ nɪ a suur ɛ.

^{XXVII} Yɪ taa yuoro sɔr kɔrɔ a Satan a wɔ bɛl yɪ ɛ.

^{XXVIII} Nɪrɛ 'lɔ na dõɔ juro, wɔ ta ma lɛ juro ɛ, tɪche wɔ ma tɔnõ tɔmõ ala na tara tɔnõ nɪ a wɔ nuur na wɔ nye bõkõɔ, na wɔ ir sõɔn a nõn dɛme.

^{XXIX} Yɪ taa vɛ ka a 'yer sõɔnsɪ yire a yɪ nɛɛr pɔ ɛ, tɪche 'yersɪ ala na 'yõɔnõ a yɪ taaba ãkpãɛn ala ɪ yele kõɔ fɛr ba naa, naa mɪ ɪ sõɔfɔ kɔ a bala na chele.

^{XXX} Na yɪ taa vɛ ka a Nãanmɪn Sɪɛ pɔɔ sõɔ ɛ, 'lɔ wɔn de 'yõɔn yɪ a jãne gun a faafɔ bɪbɪr.

^{XXXI} Yɪ ir putuo, pɔɔm 'yõɔfɔ, nɪ suur, tãn taa, nɪ tofɔ, nɪ 'laarfɔ 'yerbie.

^{XXXII} Yɪ maala vɪla na yɪ kaara taa nɪbaal, na yɪ vɛne kɔrɔ taa nɪtãa lɛ Nãanmɪn na vɛ kɔ yɪ a Kɪrɪsɪto jũu.

V

^I Yɪ tɔɔrɔ a Nãanmɪn an ɪ yɪ ɪ naa a wɔ binõnsɪ,

^{II} na yɪ kpɪɛrɛ nɪ nõfɔ nɪtãa lɛ a Kɪrɪsɪto na nõ sɪ na wɔ de a wɔ mãɛ maal a sɪ bɔɔrlo bon na nyuro vɪla lon a bɔɔr ka a Nãanmɪn pɔɔ pɛl.

^{III} Tɪche a yɪ pɔ, yɪ ta vɛ ka ba wa pɔr sɛsɛyele, bɪ folaa ɪfɔ, bɪ bɔgarfɔ ɛ, bojũu a anyãna ba seen a Nãanmɪn nɪ chechesɪ ɛ.

^{IV} Yɪ taa lɛ 'yerɛ vã 'yerbie ɛ, bɪ jɔl 'yer, bɪ jɔl dãen ɛ, ala pɔ naa, tɪche yɪ dãna Nãanmɪn.

^V Bojũu yɪ bõɔn a anyãna sɪrɛ jaa ɪka nɪrɛ na sɛne, nɪfolaa, bɔgar sɔɔ, wɔ ɪ naa nɪrɛ na puoro

tibe, na wɔ kɔ nyɛ jie be a Kiristo ni a Nāanmɪn nāalɔɔ pɔ ɛ.

VI Yɪ taa vɛ ka nɪrɛ āsɔɔ jaa bɛl yɪ ni 'yɛr pɔrsɪ ɛ, bojūu anyāna lɛ so ka Nāanmɪn su tuo waara a bawɔnsɪ jie.

VII A lɛ jūu yɪ taa mara ba ɛ.

VIII Bojūu yɪ dɔɔ ɪ libe, tɪchɛ pɔpāanyā yɪ ɪ naa chāa a sɪ Soro 'yɔɔ. Yɪ kpɪrɛ nɪtāa a chāa bibiir.

IX A chāa wɔmɔ ɪ naa vɪla maalfɔ, yeltorsɪ ni yelmāɛ.

X Yɪ mɔ na yɪ jān a ala na pɛlɛ a sɪ Soro pɔɔ.

XI Na yɪ taa ɪrɛ wa pɔɔrɔ a libe tɔmɔ na ba tara tɔnɔ ɛ, tɪchɛ yɪ yin naa chāa pɔ.

XII Bojūu a gba ma ɪrɛ na vā a ala a bawɔnsɪ na ma maala a libe pɔ manfɔ.

XIII Tɪchɛ bon jaa wa yɪ chāa pɔ, fɔ ma nyɛn wɔn chaar.

XIV Bojūu chāa lɛ ma vɛ ka fɔ nyɛ bon jaa chechɛ. Ala lɛ so a ba 'yɛr, "A fɔɔ gɔɔ sɔɔ, jɛɔ ir a kūu pɔ, ka a Kiristo chaar 'yɔɔ fɔ."

XV Yɪ bɔɔnɔ sɔ a lɛ yɪn kpɪrɛ, ka a ta ɪ jɔl kpɛfɔ tɪchɛ ka a ɪ yɛ kpɛfɔ.

XVI Na yɪ mɔɔ nɪbir yɪn wa nyɛ jie ka wɔ ta sɔɔ ɛ, bojūu a bibie anyāna ba vɪlɛ ɛ.

XVII A lɛ jūu, yɪ ta ɪ jɔlɔ ɛ, tɪchɛ yɪ bɔɔ a ala a sɪ Soro na bɔɔrɔ.

XVIII Yɪ ta nyū dāa buu ɛ, an sɔɔ yɪn ju, tɪ yɪ vɛ ka a Nāanmɪn Sɪɛ sɛɛ yɪ.

XIX Na yɪ yiele a Nāanmɪn yiel nɪ a ala na ɪ a Sɪɛ yiel kɔrɔ taa, na yɪ yiele dānfɔ yiel nɪ a yɪ nyāa wɔ jaa kɔrɔ a sɪ Soro.

XX Yɪ ma dāna a sɪ Sāa Nāanmɪn yele a jaa pɔ, nɪ a sɪ Soro Yesu Kiristo yuor.

XXI Yɪ siir yɪ mǎɛ kɔ taa a Kɪrɪstɔ yɪn 'yɔ̃ɔnɔ̃ jũu.

XXII Pɔbɔ, yɪ siir yɪ mǎɛ kɔ a yɪ sɪrbe, nɪtǎa le yɪn siir yɪ mǎɛ kɔ a sɪ Soro.

XXIII Bojũu an ɪ a sɪrɛ le ɪ a pɔɔ ju, nɪtǎa le a Kɪrɪstɔ na ɪ a pupuorbiir ju, na ɪ a wɔ āgǎn na wɔ ɪ a Fafaara.

XXIV A le jũu, le a pupuorbiir na siir a ba mǎɛ kɔ a Kɪrɪstɔ, le le a pɔbɔ mɪ, yɪ siir a yɪ mǎɛ kɔ a yɪ sɪrbe ye le a jaa pɔ.

XXV Sɪrbe, yɪ nɔ̃ a yɪ pɔbɔ, nɪtǎa le a Kɪrɪstɔ na nɔ̃ a pupuorbiir na wɔ de a wɔ mǎɛ kɔ ba,

XXVI wɔ maal ban a le ka ban ɪ cheche, na wɔ de kɔ̃ɔ pɛɛn ba ka ba viɛɛ nɪ a 'yer.

XXVII Wɔ bɔɔɔ naa ɪka wɔ de a pupuorbiir banyǎ na viɛɛ kɔ a wɔ mǎɛ, na waa tara jǎɛ ɛ, 'mabfɔ jie ɛ, bu dɛɛr jie jaa ɛ, tɪche a ba ɪ cheche ba tara ye le jaa ɛ.

XXVIII A le nɛ nɪ wɔ ju mɪ le a yɪn sɪrbe, yɪ nɔ̃ a yɪ pɔbɔ, nɪtǎa le yɪn nɔ̃ a yɪ mǎɛ āgǎma. A 'lɔ na nɔ̃ a wɔ pɔɔ nɔ̃n a wɔ mǎɛ.

XXIX Nɪrɛ jaa ba be na 'laar a wɔ mǎɛ āgǎn ɛ, tɪche wɔ ma kɔɔ wɔn bɔ̃diir na wɔ kaara wɔ, le le a Kɪrɪstɔ kaara a pupuorbiir.

XXX Bojũu sɪ ɪ naa a wɔ āgǎn jiir,

XXXI “A le jũu, daba na bar a wɔ sǎa nɪ a wɔ ma, tɪche ka 'lɔ nɪ a wɔ pɔɔ ɪ bɔ̃'yen, ka ba jaa ayi ɪ āgǎn bɔ̃'yen.” *(A Pielfɔ Gǎn 2:24)*

XXXII A anyǎ ɪ naa a 'yer sɔɔlaa, tɪche maa 'yerɛ naa a Kɪrɪstɔ nɪ a pupuorbiir 'yer.

XXXIII A yɪn mɪ gba, āsɔɔ jaa wɔ ma nɔ̃ a wɔ pɔɔ nɪtǎa le wɔn nɔ̃ a wɔ mǎɛ, ka a pɔɔ mɪ ma 'yɔ̃ɔnɔ̃ a wɔ sɪrɛ.

VI

I Bibiir, yin be a sɪ Soro 'yɔ̃ɔ, yɪ wɔ̃nɔ a yɪ dɔ̃ɔrɔ toor, a lɛ lɛ tor.

II A lɛ a Nāanɪmɪn na dɔ̃ɔ kɔ a wɔ nɛɛ, a nɛɛ nyā lɛ ɪ a nedɔ̃ɔ won tɪr, “Yɔ̃ɔnɔ a fɔ sāa nɪ a fɔ ma,

III an ɪn vɪla kɔ fɔ, a fɔ wɔ̃ nɔ̃ɔ kor ka a wer pɔ.” *(Mosesi Gāma Na Tu Anūu 5:16)*

IV Sāamɪne yɪ taa maala a yɪ bibiir ka ba nyɛɛ suur ε, tɪ yɪ guolo ba, na yɪ jāna ba, wile nɪ ba a ala na yɪ a sɪ Soro sɛ.

V Gbāgbaar yɪ wɔ̃nɔ a yɪ sorbo toor na yɪ 'yɔ̃ɔnɔ ba tɪ joro ba nɪ a yɪ pɔpɛl nɪtāa lɛ yɪn wɔ̃nɔ a Kɪrɪsɪto toor.

VI Yɪ wɔ̃nɔ a ba toor ka a ta ɪ baɪ fur nɪbir 'yɔ̃ɔ yɪ tɛɛ ε, tɪche yɪ ɪr nyāa 'yɔ̃ɔ tɔ̃nɔ nɪ yɪn ɪ a Kɪrɪsɪto gbāgbaar na yɪ tɔ̃nɔ a lɛ a Nāanɪmɪn na bɔɔɔ.

VII Yɪ tɔ̃nɔ nɪ pɔpɛl fɪka a sɪ Soro Yesu yɪn tɔ̃nɔ kɔɔ, a ta ɪ nɪsaal lɛ ε.

VIII Bojūu yɪ bɔ̃ɔn naa ɪka a sɪ Soro na yab āsɔɔ jaa lɛ won tɔ̃ a vɪla jā, ka gbāgbaa lɛ wɔ ɪ bɪ waa ɪ gbāgbaa ε.

IX A yɪn sorbo, yɪ mɪ ɪrɛ a lɛ nɛ kɔɔ a yɪ gbāgbaar. Yɪ ta pɪrɪpɪrɛ ba ε, na yɪ bɔ̃ɔ ɪka a 'lɔ na ɪ a ba Soro mɪ lɛ ɪ a yɪ Soro na wɔ be a saaju, 'lɔ lɛ ba turo nɔ̃nɔ ε.

X A baaraa lɛ ɪka yɪ kpɛ̃mɛ a sɪ Soro 'yɔ̃ɔ nɪ a wɔ tɔ̃ɔfɔ kpɛ̃ɔ pɔ.

XI Yɪ de a Nāanɪmɪn tājɛbonsɪ a jaa su na yɪ tɔ̃ɔ ara jɛb a tɪ nɛbɛr.

XII Bojūu a ba ɪ sɪn nɪ nɪsaal lɛ jɛɛɛ ε, tɪche sɪ jɛɛɛ nɪ naa a sɪr tɔ̃ɔfɔ dɛ̃mɛ, nɪ a kpāɛn dɛ̃mɛ,

ni a wer nyã libe kpãen dẽme, ni a sɪdebe ala na be a saaju.

XIII A le jũu, yi de a Nãanmɪn tãjebonsɪ a jaa su, ka a bɪbir bier 'lɔ wa vɪɛ, ka yi ba gbɛr, na yi tɔɔ jɛb a jɛɛr baar tɪ na yi chɛnɛ ara.

XIV Yi pãa ara kpɛɔ, na yi de a yelmãɛ ka wɔ ɪ a sɪɛ gãn a yi sɛ, na yi de torfɔ ka wɔ ɪ a nyãa wɪɛ,

XV na yi 'mi'mine a nyã'maar 'yer nɔɔ 'yerfɔ 'yɔɔ, ka a ɪ a yi gbɛɛ nafɔɔr.

XVI A 'lɔ na pɔɔ a jaa pɔ ni nyã ɪka, yi de a yi bɔpiiraa na ɪ a yi sɔɔfɔ na yi tɔɔ de kpĩin a dɛɛr sɔɔ pĩme na 'lɪɛ.

XVII Yi de a kur jupil su, 'lɔ le ɪ a yi faafɔ, ni a sɔkpɛɛ na yi a Nãanmɪn Sɪɛ sɛ, na wɔ ɪ a Nãanmɪn 'yer.

XVIII Na yi sɔɔrɔ a Nãanmɪn le a wɔ Sɪɛ na wiil yi sɔɔ jaa, ni sɔɔrfɔ jaa bɔrɔ. Yi mɔɔ nɪbir jɔrɔ na yi sɔɔrɔ ni Nãanmɪn kɔrɔ a wɔ nɪbe ba jaa.

XIX Yi sɔɔrɔ Nãanmɪn kɔrɔ ma, ka maa wa haara a nɛɛ, ka Nãanmɪn kɔ ma a wɔ 'yerbie ka n taa joro dãbãɛ ɛ, tɪ na n 'yer a 'yer nɔɔ nyã yelsɔɔlaa.

XX A Yesu 'yer nɔɔ nyã ɪn ara kɔ jũu le so, ka ba 'yɔɔ ma a bɔjɔrsɪ. Yi sɔɔrɔ a Nãanmɪn kɔrɔ ma ka n taa joro dãbãɛ ɛ, tɪ 'yerɛ a le na sɛɛ.

XXI Tɪchɪkusɪ na ɪ a yebe nɔ naa na wɔ tara yelmãɛ ni a sɪ Soro tɔmɔ. Won man ye le jaa kɔ yi, ka yi bɔɔ a le ɪn be ni a le ɪn ma maala.

XXII A anyãna jũu le n tɔn wɔ a yi sɛ, ka yɪn bɔɔ a le sɪn be tɪ na wɔ mɪ 'yɔɔ yi ãkpãen.

XXIII Nyã'maar wɔ be a yɪn na ɪ a yɛɛr sɛ̃, nɪ
nõfɔ lɔ̃ɔn sɔɔfɔ na yi a Sãa Nãanmɪn nɪ a sɪ Soro
Yesu Kɪrɪstɔ sɛ̃.

XXIV Wãɛfɔ wɔ be a bala jaa na nõ a sɪ Soro
Yesu Kɪrɪstɔ sɛ̃ nɪ nõfɔ 'lɔ na ba baaraa ε.

**A Nāaṇmun Nɛtur Oaalaa Gān, Burfoor
Birifor, Southern: A Nāaṇmun Nɛtur Oaalaa Gān,
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

97b1f1fe-19fd-52d9-9481-ad2a6ade2772